

& furantur, vt sic, quemadmodum aiunt, se aduersus illum Deum, qui zizania & mala in mundum immisit, vlciscantur. Ita peruerso planè animi iudicio, & nullo conscientiae sensu precipites in omne mali genus non modò feruntur, sed sponte prudentesque ruunt. Atque hæc Antitactarum discipulorum caterua Cainorum præceptorum furores mirè auxit, de quibus Antitactis & Theodoretus libro 1. & Clemens libro 3. Stromat. agit. Alii ab iisdem Cainis profecti dicti sunt Peratæ à Peratico Euphratenfi, & Ademe Carystio, qui præter Cainorum errores dixerunt Christum fuisse Tricorporem, propter tres diuersas mundi partes, quibus constat, vt aiunt, Christi corpus: & duplicem esse mundum, vnum ingentum: alterum genitum, quem vocant specialem, & huiusmodi quasdam ineptissimas fabulas fingunt, & rerum ortum ex Agennesia, quam vocant, de quibus vide Theodoretum libro 1. Hæreticar. fabularum. Alii aliis nominibus, vt Monoimi, qui à Monoimo Arabe ita sunt appellati, videntur ex eodem cæno errores suos, quos Arithmeticoꝝ numeris confirmare conantur, hausisse. Ex quo fit mihi verisimile, vt etiam scribit Epiphanius in hæresi Sethianorū, primùm in Ægypto ortum esse hoc malum, & in vicinas gentes deinde effusum, adeò vt in Orientē ipsum penetrarit, sed tamen Asiam potius quàm Europam corruerit. Interpolata autem nouis sectatorum nominibus, Cainorum hæresis proprium nomen amisit. His contrarii sunt Abelitæ, vel Abeloitæ, de quibus infra.

I Dicentes enim. Siqua vnquam hominū phre-